

Na osnovu člana 16. stav 4. Zakona o Vladi Zeničko-dobojskog kantona –Prečišćeni tekst (“Službene novine Zeničko-dobojskog kantona”, broj: 7/10), a u skladu sa članom 33. i 45. Zakona o izvršenju Budžeta Zeničko-dobojskog kantona za 2017.godinu (“Službene novine Zeničko-dobojskog kantona”, broj:15/16), Vlada Zeničko-dobojskog kantona, na 91. sjednici, održanoj 23.03.2017. godine, d o n o s i

ZAKLJUČAK

o usvajanju Programa utroška sredstava na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614000, pozicija “ Tekući transferi i drugi tekući rashodi” Budžeta Zeničko-dobojskog kantona za 2017. godinu

I.

Usvaja se Program utroška sredstava na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614000, pozicija “Tekući transferi i drugi tekući rashodi” Budžeta Zeničko-dobojskog kantona za 2017 godinu (“Službene novine Zeničko-dobojskog kantona”, broj: 15/16) u iznosu od 1.595.500,00 KM (slovima: jedanmillionipetstotina devedestpethiljadapetstotina konvertibilnih maraka), koji čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Zadužuju se Ministarstvo zdravstva i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____ /17.
Datum, 23.03.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo zdravstva
1x Ministarstvo finansija
1x a/a

PROGRAM
UTROŠKA BUDŽETSKIH SREDSTAVA
NA RAZDJELU 21-MINISTARSTVO ZDRAVSTVA, BUDŽETSKA
ORGANIZACIJA 01, POTROŠAČKA JEDINICA 0001, EKONOMSKI KOD
614000- POZICIJA
“TEKUĆI TRANSFERI I DRUGI TEKUĆI RASHODI”
ZA 2017. GODINU

Zenica, mart 2017. godine

U skladu sa odredbama člana 33. stav 1. i člana Zakona o izvršavanju Budžeta Zeničko-dobojskog kantona za 2017. godinu, («Službene novine Zeničko-dobojskog kantona», broj: 15/16), Ministarstvo zdravstva predlaže Vladi Zeničko-dobojskog kantona Program utroška sredstava na razdjelu 21, budžetskoj organizaciji 01, potrošačkoj jedinici 0001-Ministarstvo zdravstva, ekonomski kod 614000, Pozicija- «**Tekući transferi i drugi tekući rashodi**».

Svrha Programa: Ovim programom utvrđuju se sredstva za tekuće transfere u oblasti zdravstva.

Visina sredstava: 1.595.500,00 KM

Izvori sredstava: Budžet Zeničko-dobojskog kantona za 2017. godinu, razdjel 21, budžetska organizacija 01, potrošačka jedinica 0001- Ministarstvo zdravstva, ekonomski kod 614000, pozicija «Tekući transferi i drugi tekući rashodi», koji obuhvataju «Transfere drugim nivoima vlasti» i «Tekuće transfere neprofitnim organizacijama»

I Tekući transferi drugim nivoima vlasti-planirani iznos 1.585.500,00 KM

1. Tekući transfer za nabavku vakcina

(ekonomski kod 614100, subanalitika LAX 0001-godišnji iznos 63.000,00 KM)

Zakonom o zdravstvenoj zaštiti («Službene novine Federacije Bosne i Hercegovine», broj: 46/10) je utvrđeno da društvena briga za zdravlje na nivou kantona obuhvata mjere za osiguranje i provođenje zdravstvene zaštite od interesa za građane na području kantona i to: provođenje epidemiološke, zdravstveno-statističke, socijalno-medicinske i zdravstveno-ekološke djelatnosti, te unapređenje zdravlja i prevenciju bolesti na području kantona (tačka 9) i provođenje mjera zaštite stanovništva od zaraznih bolesti iz svoje nadležnosti u skladu sa propisima o zaštiti stanovništva od zaraznih bolesti (tačka 10).

Institut za zdravlje i sigurnost hrane, u skladu sa članom 119. navedenog zakona, kontinuirano provodi mjere higijensko-epidemiološke zaštite i nadzora sa epidemiološkom analizom stanja na području kantona i provodi protivepidemijske mjere, te nadzire provođenje obaveznih imunizacija.

U tom pogledu Institut za zdravlje i sigurnost hrane, u saradnji sa Ministarstvom zdravstva, planira nabavke određenih količina vakcina.

Na našim prostorima evidentan je problem pasa lualica, koji su najčešći prenosnici virusa bjesnila, što utiče na povećani priliv pacijenata kojima je potrebna antirabična zaštita. Antirabična zaštita se provodi na taj način da se licu koje je povrijeđeno od strane bijesne ili na bjesnilo sumnjive životinje, obavezno aplicira vakcina i/ili antirabični imunoglobulin (serum). Ukoliko se ovi lijekovi (a posebno serum) ne bi aplicirali, a osoba oboljela od bjesnila, to bi značilo sigurnu smrt.

Opravdanost nabvake vakcina protiv bjesnila je evidentna zbog visokog rizika pojavljivanja bjesnila. U slučaju eventualnog nenabavljanja ove vakcine i eventualne pojave bjesnila kod životinja koje borave u blizini ljudi, mogla bi nastati panika među građanima.

Planirana sredstava u Budžetu Zeničko-dobojskog kantona za 2017. godinu na ovoj poziciji će biti utrošena za nabavku vakcina (verorab) i antirabičnog seruma (immunoglobulin) u ukupnom iznosu od 43.000,00 KM Nabavke istog se planiraju u mjesecu augustu ove godine.

Planirana sredstva iz Budžeta Zeničko-dobojskog kantona za nabavku vakcina protiv gripe, koja se preporučuje za preveniranje gripe osobama kod kojih se očekuje visok rizik mogućih komplikacija od ove bolesti (starije osobe, kronično oboljeli građani i djeca) iznose 20.000,00 KM. Vakcina za navedene kategorije stanovništva je besplatna, a za sve ostale vakcina se komercijalno nabavlja i dostupna je po vema niskim cijenama. Navedene nabavke se planiraju u novembru ove godine.

Za naprijed navedene aktivnosti planirana sredstva u Budžetu Zeničko-dobojskog kantona za 2017. godinu iznose 63.000,00 KM, a realizacija će se vršiti u skladu sa procentom ostvarenja prihoda i operativnim planovima potrošnje budžetskog korisnika.

Kriteriji za raspodjelu: Zahtjev Instituta za zdravlje i sigurnost hrane u skladu sa epidemiološkom situacijom o vrsti-soju vakcine i potrebnim količinama i Zaključak Vlade Kantona o odobrenju sredstava.

Vakcinu putem javnog natječaja nabavlja Institut za zdravlje i sigurnost hrane Zenica i o istom obavještava nadležno ministarstvo.

2. Tekući transfer za deratizaciju

(ekonomski kod 614100, subanalitika LAX 002-godišnji iznos 90.000,00 KM)

U skladu sa članom 119. Zakona o zdravstvenoj zaštiti («Službene novine Federacije Bosne i Hercegovine», broj: 46/10) i Zakonom o zaštiti stanovništva od zaraznih bolesti («Službeni list FBiH broj: 29/05), Institut za zdravlje i sigurnost hrane Zenica donosi Plan i program mjera deratizacije, dezinfekcije i dezinfekcije i nadzire njihovo izvršenje, te provodi preventivne i protuepidemijske DDD postupke za područje kantona.

Provođenje sistematske deratizacije na području kantona je jedna od obaveznih mjera propisanih Zakonom o zaštiti stanovništva od zaraznih bolesti, a njeno provođenje je predviđeno u dvije faze (proljetna i jesenja). Obzirom da postoje značajne površine i objekti kojima upravlja Kanton, u Budžetu Zeničko-dobojskog kantona za 2017. godinu planirana su sredstva za provođenje sistematske deratizacije na ovim površinama i objektima, dok će se dio sredstava za finansiranje deratizacije izdvojiti iz općinskih budžeta. Na ostalim objektima i površinama koje imaju definisanog vlasnika (korisnika) i koje ostvaruju vlastiti prihod, troškove sistematske deratizacije snose vlasnici (korisnici).

Institut za zdravlje i sigurnost hrane Zenica će predložiti Vladi Zeničko-dobojskog kantona na usvajanje poseban Program provođenja obavezne preventivne sistematske deratizacije na području Zeničko-dobojskog kantona (proljetna i jesenja faza), koji će biti osnov za donošenje Odluke o obezbjeđenju sredstava za finansiranje proljetne faze deratizacije (45.000,00 KM) i jesenje faze deratizacije (45.000,00 KM).

Naredbom Ministarstva zdravstva će se definisati objekti i površine koji će biti obuhvaćeni preventivnom sistematskom deratizacijom, podijeljeni u dvije grupe.

Planirana sredstva su mala u odnosu na efekat koji se ostvaruje –zaštita zdravlja stanovništva od zaraznih bolesti.

Budžetom Zeničko-dobojskog kantona za 2017. godinu planirana sredstva za naprijed navedene namjene iznose 90.000,00 KM.

Kriterij za raspodjelu sredstava: Program provođenja proljetne i jesenje faze obavezne preventivne sistematske deratizacije, dezinsekcije i dezinfekcije na području Zeničko-dobojskog kantona za 2017. godinu i Odluka Vlade o visini izdvojenih sredstava.

Izveštaj o provedenoj akciji (proljeće- jesen) dostavlja Institut za zdravlje i sigurnost hrane Zenica i isti na prijedlog Ministarstva zdravstva usvaja Vlada.

3. Tekući transfer za Kantonalni zavod za bolesti ovisnosti (ekonomski kod 614100, subanalitika LAX 005-godišnji iznos 108.000,00 KM)

JU Kantonalni zavod za bolesti ovisnosti od obezbjeđuje zdravstvenu zaštitu ovisnika, bilo da su dobrovoljno u tretmanu ili po odluci suda.

Sredstva za rad Kantonalnog zavoda za bolesti ovisnosti se obezbjeđuju iz Budžeta Zeničko-dobojskog kantona, Ugovorom sa Zavodom zdravstvenog osiguranja Zeničko-dobojskog kantona i iz drugih izvora na način i pod uslovima određenim zakonom, aktom o osnivanju i Statutom Zavoda. Djelatnost Zavoda za bolesti ovisnosti obuhvata djelatnost medicinske prakse i zdravstveno-preventivnu zaštitu, a u okviru ove djelatnosti Zavod obavlja:

- stacionarnu i ambulantno-polikliničku zdravstvenu zaštitu sa rehabilitacijom oboljelih ovisnika
- prevenciju, dijagnostiku, rehabilitaciju i socijalnu reintegraciju ovisnika
- provođenje programa edukacije i metadonskog programa prema standardima Svjetske zdravstvene organizacije
- vođenje registra bolesti ovisnosti
- ostvarivanje saradnje sa svim zdravstvenim ustanovama i specijaliziranim ustanovama iz oblasti borbore protiv ovisnosti
- organizovanje stručnih savjetovanja, seminara, javnih tribina, predavanja i drugih aktivnosti od značaja za ostvarivanje djelatnosti Zavoda
- provodi istraživački rad na polju bolesti ovisnosti
- organizuje i/ili provodi programe smanjenja šteta za lica koja injektiraju droge
- stacionarni tretman –detoks, liječenje oboljelih ovisnika

Plan fizičkog obima poslovanja za 2017. godinu obuhvatio bi :

1. U odjeljenju DETOXA (stacionarni dio) planira se zbrinjavanje 150 pacijenata sa približno 3200 bo dana.
2. U planu pregleda i usluga zadržava se nivo izvršenja 2016.godine uz poboljšanje kvaliteta usluga na što će uticati i potreba zapošljavanja jednog ljekara opšte prakse:

Red. br	Vrsta pregleda	Izvršenje 2016.	Plan 2017.	Index
1.	Neuropsihijatrijski pregledi	10896	11000	101
2.	Usluge psihologa	1660	1700	102
3.	Usluge socijalnog radnika	1885	1890	100
4.	Testiranje na psihoaktivne supstance	9848	10000	102
5.	Broj pojedinačnih davanja lijeka metadon	74889	75000	100

Kantonalni zavod za bolesti ovisnosti planira ostvariti prihode u 2017. godini u ukupnom iznosu 1.434.400,00 KM i to iz sljedećih izvora:

Red. br	Prihod	Izvršenje 2016.	Plan 2017.	Index
1.	Prihodi iz Budžeta Ze-do kantona	108.000	108.000	100
2.	Prihodi iz Kantonalnog zavoda zdravstvenog osiguranja	1.000.849	1.055.000	105
3.	Ostali prihodi (prihodi od drugih kantona, donacije i dr.)	229.875	271.400	118
	UKUPNO	1.384.206	1.434.000	104
4.	Prihodi od donacija –projekat UNDP	671.709	-	-
	UKUPNO	2.055.915	1.434.000	70

Za finansiranje rada Kantonalnog zavoda za bolesti ovisnosti u 2017. godni iz Budžeta Zeničko-dobojskog kantona se planira izdvojiti 108.000,00 KM (7,5% ukupno planiranih prihoda), dok će nivo izdvajanja Kantonalnog zavoda zdravstvenog osiguranja biti 1.055.000,00 KM ili 73,6%). Po osnovu prihoda od usluga ostalim kokorisnicima-kantonima planira se ostvariti prihod u iznosu od 230.000,00 KM (16,0%) i ostalih prihoda 41.400 KM.

Treba napomenuti da je u prethodnim godinama u strukturi ukupnog prihoda i u istom iznosu ukupnih rashoda, bio prikazan iznos prihoda od donacija –donacija supstitucione terapije (metadona) putem projekta UNDP-a, a od ove godine je to obaveza Zavoda zdravstvenog osiguranja i navedena sredstva su u posebnoj stavci uključena u Finansijski plan Kantonalnog zavoda zdravstvenog osiguranja.

Planirani rashodi za 2017.godinu kreću se u okviru planiranih izvornih prihoda (1.434.400 KM).

Kriteriji za raspodjelu sredstava : Plan poslovanja Kantonalnog zavoda za bolesti ovisnosti, mjesečni iznosi za finansiranje utvrđeni Budžetom Zeničko-dobojskog kantona za 2017. godinu usklađeni sa procentom ostvarenja prihoda i operativnih planova potrošnje za svakog budžetskog korisnika.

Izveštaj o radu i utrošku sredstava podnosi se Ministarstvu zdravstva šestomjesečno odnosno po konačnom obračunu.

#

4. Tekući transfer za Kantonalni zavod za medicinu rada i sportsku medicinu

(ekonomski kod 614100, subanalitika LAX 007-godišnji iznos 24.000,00 KM)

Kantonalni zavod za medicinu rada i sportsku medicinu, u skladu sa članom 120. Zakona o zdravstvenoj zaštiti ("Službene novine Federacije Bosne i Hercegovine", broj 46/10) i Odluke o preuzimanju prava i obaveza osnivača i usklađivanja organiziranja i poslovanja Javne ustanove Kantonalni zavod za medicinu rada ("Službene novine Zeničko-dobojskog kantona", broj: 11/12), obavlja djelatnosti specifične zdravstvene zaštite radnika na području Zeničko-dobojskog kantona. Po standardima i normativima zdravstvene zaštite iz obaveznog zdravstvenog osiguranja (Službene novine Federacije Bosne i Hercegovine", broj: 82/14) za obavljanje javno-zdravstvene djelatnosti medicine rada kantonalnog nivoa trebalo bi angažovati 1,58 timova (sastav tima: 1 dr spec. medicine rada, 1 med. tehničar prvi ciklus VSS ili VSS VI stupanj), 1 med. tehničar SS), od čega se 85% vrijednosti rada finansira iz sredstava Kantonalnog zavoda zdravstvenog osiguranja, a ostatak iz sredstava Budžeta Kantona.

Programskim zadacima Kantonalnog zavoda za medicinu rada i sportsku medicinu, koji bi se trebali finansirati iz Budžeta Zeničko-dobojskog kantona u 2017. godini predviđeni su slijedeći projektni zadaci:

- prikupljanje i obrada statističkih podataka o absentizmu na nivou Zeničko-dobojskog kantona u saradnji sa Kantonalnim zavodom zdravstvenog osiguranja
- prikupljanje i obrada statističkih podataka o absentizmu u period obrade za IK
- praćenje i analiza funkcionisanja Službi medicine rada na Zeničko-dobojskom kantonu i povezivanje sa službama izvan kantona
- identifikacija i procjena štetnih rizika po zdravlje na random mjestu
- edukacija zdravstvenih radnika
- aktivnosti na registraciji profesionalnih bolesti i povreda na radu
- profesionalna orijentacija i nova zanimanja i tehnologije rada
- promocija zdravlja-zdravstveni odgoj
- osposobljavanje zaposlenika za pružanje prve pomoći

Kantonalni zavod zdravstvenog osiguranja će u 2017. godini za finansiranje javno-zdravstvene djelatnosti medicine rada obezbjediti ukupno 128.678 KM .

Budžetom Zeničko-dobojskog kantona za 2017. godinu planirana sredstva za Kantonalni zavod za medicinu rada i sportsku medicinu iznose 24.000,00 KM, za javno-zdravstvenu djelatnost medicine rada, a utošit će se za realizaciju projekata u 2017. godini planiranih programskim zadacima Katonalnog zavoda za medicinu rada i sportsku medicinu za 2017. godinu.

U strukturi ukupnih troškova za realizaciju projekata koji se finansiraju iz sredstava koje obezbjeđuje Zeničko-dobojski kanton, na bruto primanja uposlenih se odnosi 19.500,00 KM, troškove stručnog usavršavanja 3.000,00 KM, troškove tehničke realizacije programa 200,00KM, zajedničke troškove 800,00 KM i troškove zajedničkih službi 500,00 KM.

Kriteriji za raspodjelu sredstava su: Program utroška, mjesečni iznosi za finansiranje utvrđeni Budžetom Zeničko-dobojskog kantona za 2017. godinu usklađeni sa procentom ostvarenja prihoda i operativnih planova potrošnje za svakog budžetskog korisnika.

Izvještaj o radu i utrošku sredstava podnosi se Ministarstvu zdravstva šestomjesečno odnosno po konačnom obračunu.

5. Tekući transfer za JU Institut za zdravlje i sigurnost hrane Zenica
(ekonomski kod 614100, subanalitika LAX 008-godišnji iznos 22.500,00 KM)

Programi javno-zdravstvenih aktivnosti koje realizuje Institut za zdravlje i sigurnost hrane Zenica su od izuzetnog značaja i predstavljaju djelatnost koja je zakonska obaveza. Najveći dio ovih aktivnosti Institut mora provoditi bez obzira na dodijeljena sredstva iz Budžeta, obzirom da se radi o aktivnostima koje donosiocima odluka daju osnov za ispravno odlučivanje i aktivnostima koje doprinse unapređenju zdravlja stanovništva i funkcionisanja zdravstvenog sistema.

Institut za zdravlje i sigurnost hrane Zenica provodi mjere i aktivnosti iz djelokruga javnog zdravstva, a u skladu sa odredbama Zakona o zdravstvenoj zaštiti i Zakona o zaštiti stanovništva od zaraznih bolesti.

U slijedećoj tabeli je dat pregled programa javno-zdravstvene djelatnosti i potrebnih sredstava za realizaciju istih:

Program	Iznos potrebnih sredstava
Praćenje i analiza zdravstvenog stanja stanovništva i funkcionisanja zdravstva	16.598,00
Prikupljanje i obrada zdravstveno-statističkih podataka i statistička istraživanja u zdravstvu	58.362,00
Antirabična zaštita	11.174,00
Nadzor nad akutnom flakcidnom paralizom	3.314,00
Nadzor nad HIV/AIDS	2.602,00
Ukupno	92.050,00

Budžetom Zeničko-dobojskog kantona za potrebe finansiranja programa javno-zdravstvenih aktivnosti Zavoda je planirano 22.500,00 KM. Obzirom da se radi o aktivnostima koje su zakonska obaveza, Institut je prinuđen da ih realizuje u obimu koji je neophodan za obavljanje osnovnih funkcija Instituta, te je u planu naveden veći obim aktivnosti i veći troškovi u odnosu na opredjeljena sredstva iz Budžeta Zničko-dobojskog kantona (Ukupni troškovi za realizaciju naprijed navedenih projekata iznose 92.050,00 KM).Nedostajuća sredstva za finansiranje navedenih projekata bit će obezbjeđena iz sredstava Instituta za zdravlje i sigurnost hrane Zenica.

Kriteriji za raspodjelu sredstava su Program rada, mjesečni iznosi za finansiranje utvrđeni Budžetom Zeničko-dobojskog kantona za 2017. godinu usklađeni sa procentom ostvarenja prihoda i operativnim planovima potrošnje za svakog budžetskog korisnika.

Izvještaj o radu i utrošku sredstava podnosi se Ministarstvu zdravstva šestomjesečno, odnosno po konačnom obračunu.

6. Tekući transfer za Kantonalnu bolnicu Zenica (ekonomski kod 614100, subanalitika LAX 010-godišnji iznos 1.150.000,00 KM)

U prethodnim godinama JU Kantonalna bolnica Zenica je bila suočena sa čestim zastojima u radu zbog nemogućnosti obezbjeđenja sredstava za servisiranje opreme. Iz navedenog razloga Vlada Kantona se opredijelila da u 2017. godini obezbjedi dio sredstava naminijenjenih za tekuće održavanje u ovoj zdravstvenoj ustanovi, a koje se odnosi na ugovor o nabavci usluga održavanja medicinske opreme u u Službi za radiologiju sa dobavljačem “Siemens medicina”d.o.o. Sarajevo, i to za vršenje usluga održavanja slijedećih aparata:

- MR magnetom Avanto 1,5 T
- CT Somatom Definition AS 40
- Axiom iconos MD
- Multix Top

Ukupan iznos održavanja navedene medicinske opreme na godišnjem nivou iznosi 451.450,35 KM, uz obavezu izvršioca usluga da obezbjedi kompletno održavanje opreme sa garancijom da oprema ne smije biti van funkcije više od 5% radnih dana godišnje.

Ostatak planiranih sredstava u iznosu od 698.549,65 KM će se trošiti za održavanje opreme i hitne intervencije po zahtjevu JU Kantonalna bolnica Zenica.

Za naprijed navedene aktivnosti planirana sredstva u Budžetu Zeničko-dobojskog kantona za 2017. godinu iznose 1.150.000,00 KM, a realizacija će se vršiti u skladu sa procentom ostvarenja prihoda i operativnim planovima potrošnje za svakog budžetskog korisnika.

Kriteriji za raspodjelu: Za dio sredstava koji je obezjeđen za realizaciju ugovora JU Kantonalna bolnica Zenica će dostaviti kopiju fakture, a za preostali dio sredstava JU Kantonalna bolnica Zenica podnosi zahtjev Ministarstvu zdravstva na čiji prijedlog Vlada Kantona donosi Odluku o odobrenju sredstava.

**7. Tekući transfer za Kantonalni zavod za medicinu rada i sportsku medicinu-zdravstvena zaštita sportaša
(ekonomski kod 614100, subanalitika LAX 011-godišnji iznos 75.000,00 KM)**

U skladu sa Zakona o zdravstvenoj zaštiti („Službene novine Federacije BiH“, broj: 46/10) i Odlukom o preuzimanju prava i obaveza osnivača i usklađivanju organizacije i poslovanja Javne ustanove Kantonalni zavod za medicinu rada („Službene novine Ze-do kantona“, broj:11/12), JU Zavod za medicinu rada i sportsku medicinu Zeničko-dobojskog kantona obavlja proširenu djelatnost, odnosno vrši i zdravstvenu zaštitu sportaša.

Zakonom o zdravstvenoj zaštiti definisana je djelatnost sportske medicine tj. poslovi koji predstavljaju proširenje djelatnosti Zavoda.

Sadržaj rada specifične zdravstvene zaštite obuhvata:

- Prvi sistematski pregled
- Kontrolni sistematski opregled
- Vanredni sistematski pregled
- Sistematski pregled specijalni-za sportive visokog rizika
- Konzilijarni pregled
- Stručno-savjetodavnu pomoć
- Utvrđivanje morfoloških karakteristika
- Utvrđivanje neuro-motoručkih karakteristika
- Ispitivanje osnovnih funkcionalnih parametara kardiorespiratornog sistema indirektnom metodom
- Ispitivanje osnovnih funkcionalnih parametara kardiorespiratornog sistema uz EKG monitoring
- Ispitivanje osnovnih funkcionalnih parametara kardiorespiratornog sistema-direktnim metodama
- Ispitivanje kompleksnih funkcionalnih parametara kardiorespiratornog sistema i biohemijskih analiza direktnim metodama
- Ispitivanje kompleksnih funkcionalnih i biohemijskih parametara kardiorespiratornog sistema pri situacionim testovima
- Edukacija zdravstvenih radnika, trenera i sportista
- Zdravstvenom vaspitanje iz sportsko-medicinske problematike učesnika u sportskoj rekreaciji
- Individualni programi ishrane sportista i rekreativaca

Kantonalni zavod zdravstvenog osiguranja finansira program rada tima specifične zdravstvene zaštite sportista u iznosu od 50% od ukupno potrebnih sredstava obračunatih po važećim standardima i normativima što iznosi 170.823,00 KM, što se vidi iz pregleda:

Potreban broj timova prema standardima i normativima	Ukupan iznos bodova po standardima (50% ukupnog broja bodova)	Iznos u KM na godišnjem nivou (50% ukupnog iznosa) uz vrijednost boda 0,843 KM
3,4	202.640	170.825

Najmanje 50% sredstava za finansiranje programa rada tima specifične zdravstvene zaštite sportista osigurava se izvan sredstava obaveznog zdravstvenog osiguranja (budžet kantona i /ili općine).

Budžetom Zeničko-dobojskog kantona za 2017. godinu za finansiranje navedenih aktivnosti planirana su sredstva u iznosu od 75.000,00 KM, a utrošiti će se na slijedeći način:

-u KM-

VRSTA TROŠKOVA	Transfer za zdravstvenu zaštitu sportaša
	12.500,00
1. Bruto primanje zaposlenih	
2. Troškovi tehničke realizacije programa	31.000,00
2. Troškovi stručnog osposobljavanja	30.000,00
2. Zajednički troškovi	1.000,00
2. Troškovi zajedničkih službi	500,00
UKUPNO	75.000,00

Kriteriji za raspodjelu sredstava su Program rada, mjesečni iznosi za finansiranje utvrđeni Budžetom Zeničko-dobojskog kantona za 2017. godinu usklađeni sa procentom ostvarenja prihoda i operativnim planovima potrošnje za svakog budžetskog korisnika.

Izvještaj o radu i utrošku sredstava podnosi se Ministarstvu zdravstva šestomjesečno, odnosno po konačnom obračunu.

8. Tekući transfer općinama

(ekonomski kod 614100 -godišnji iznos 23.000,00 KM) i

Tekući transfer domovima zdravlja za mrtvozorstvo

(ekonomski kod 614100, -godišnji iznos 30.000,00 KM)

Planirana sredstva za ove namjene bit će utrošena nakon donšenja jedinstvene odluke o regulisanju odnosa u vezi funkcionisanja sistema mrtvozorstva. Obezbjedenje osredstava za ostale troškove vezane za organizovanje rada mrtvozorstva treba da bude rješavano u narednom periodu u saradnji sa domovima zdravlja i općinama.

Kako ta pitanja još uvijek nisu definisana, planirana sredstva u će se utrošiti zavisno od konkretnih rješenja koja budu postignuta.

II Tekući transferi neprfitnim organizacijama-planirani iznos 10.000,00 KM

1. Tekući transfer udruženjima-dobrovoljno darivanje krvi (ekonomski kod 614300, subanalitika LAX 004-godišnji iznos 10.000,00 KM)

U cilju obezbjeđivanja uslova za kvalitetnijim organizovanjem akcija u prikupljanju dovoljnih količina krvi predviđene su podrške akcijama koje provodi organizacije Crvenog križa Zeničko-dobojskog kantona.

Budžetom Zeničko-dobojskog kantona za 2017. godinu za ove namjene su planirana sredstva u iznosu od 10.000,00 KM, a realizacija će se vršiti u skladu sa procentom ostvarenja prihoda i operativnim planova potrošnje za svakog budžetskog korisnika.

Kriteriji za raspodjelu sredstava: Dinamika sprovedenih akcija, redovni izvještaji organizacije za prikupljanje krvi i transfuzioloških službi zdravstvenih ustanova-bolnica i na prijedlog Ministarstva zdravstva Zaključak Vlade Kantona.

Broj: 02-_____ /17.
Datum, 23.03.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo zdravstva
1x Ministarstvo finansija
1x a/a